

SAN PABLO KARTA E'SU FXI'JNI TIMOTEO JÏI

Pablo' Timoteo's fxi'jni

1 ¹Adxa' Jesukristo jxkaahnisa Pablo yaaseth. Txāasa Dxus kaahnisath, txā'wē Kristo Jesusa's jxpa'gate', txā' itxi fxi'zewa'ja's ūswa'jsa' jīna pta'sxkahn. ²Adx nçxi'k na'wēsa Timoteo idxa's fxi'jaçthu, Dxus kwe'sx Tata vxite' kwe'sxtxi jxpe'jsa Jesukristo txāawe'sx peeygāhçxa pu'çxte', idxa' ewçxāa wēt fxi'zene'ga.

Jesukristo' nwe'wesa' jīna pta'sxwa'ja's thaamenu

³Kus ma'k yuu en ma'k yuu nawa bagaçxtewa Dxus yakh puutx we'we iisath idxa's yajkxna Dxusa's weçxá', adx ūuste kīh pkal yuhwa ji'phméé txā'sçxáanath selpi' adx yaçgawe'sx ma'wēne'ta selpi' txā'wēy. ⁴Idx pxthaa ū'nena neeyūuni's wala yaaki'th, txāasath idx yakh puutx uywaça' iiméh wala weçxawa'ja's ji'phu'nja'w sūju'. ⁵Idxa' Dxusa's ūusuh jxukag yaaki' txā'sa' jiith, nyafxīia' iidx neepezx Loida vxite' iidx mama Eunice txāawe'sxtxi txā'wē yaakxwa'ja's ji'phu', nawa açxha' txā'wē yaakxwa'ja's idxwa ji'phne'ga sūju'th.

⁶Txāa pa'gath idxa's yu'kxpeje' na'wē adx idxa's peekizeçxa Dxus yakh puutx we'wete', Dxusa' ūsku idx kīhtewa xsiigméeé fxi'zewa'ja's, aça' txāatxi' jweeíçxāa peçxkanamée pa'pçxuna mfxi'ze. ⁷Dxusa' kwe'sx ūukhna fxi'zewa'ja's ūsme', wejxwa ūukhméeé çxhāçxha yajkxna peeygāhna peekíi ew fxi'zewa'j txā'wēsaxku ūs. ⁸Txāa pa'ga thaamena ūukhnu kwe'sxtxi jxpe'jsa Jesukristo' nwe'wesa yuja' jīna pta'sxwa'ja's, sa' Jesukristo's selpiipa'ga adx preesu ūsthu txāa pa'gawa thaamenu. Dxus yuwe ewte nvxiitwa'jsa's pta'sxpa'ga nxuswa'j en pa'thewa txā'sa' yajkxmée, Dxusa' adxa's kçxhāaçxha'jana sūhnaçxāa mes. ⁹Dxusa' kwe'sxtxi nwe'weçxa txhitxku, txajx dxi'pte kīh pkal yuhwa ji'phméé fxi'zekahn. Nawa txajx dxi'pte kwe'sx ew yūupa'ga txā'wē txhitxme', naasāa txajx jxthāasni' txā'wēk yu' naa pa'gaçxāak kwe'sxtxi' peeygāhçxa txhitxh, txā'wē Kristo Jesus yakh utxaapa'ga. Naa kiwe meetey Dxusa'

kwe'sxtxi peeygãjk. ¹⁰Nawa txajx peeygãani' kwe'sxtxi nwe'wesa Jesukristo kîinijûk isa âate vxyaa. Txajuk Jesukristo' uuwa'ja's knayçxa ki' îtxi yuuwa'ja's vxit, sa' âate kaajiyu'kh bagaçxte yuhwa pçumée îtxi fxi'zewa'ja's. Txã'wê yûuni'sku Kristo yuwe ewte nvxiitwa'jsa' pta'sxi'.

¹¹Aça' txãa Kristo yuwe's pta'sxkahnku adxa's Dxusa' nvxiht, judiu ji'jmée vxite nasatxwa kaapiya'khan. ¹²Txãa pa'gath txakwe wala thêyte fxi'ze'. Nawa thaame'çmeeth, txãa pa'gatey jiith kim txã'wê adx yakh pu'çxna ûstewa, sa' ew jiith Kristo tasxte ûswa'j en âhpkaçx txã' adx neewe'weni's kxtey yuuna nes yuuna.

¹³Aça' idxa' adx ma'wêtká ew kaapiya'j txã'wêçxáa mfxi'ze, sa' Dxusa's ûusuh jxuka yajxna peeygãawa'ja'swa ûuste ji'phgu Kristo Jesus yakh fxi'zepa'ga txãatxi's peçxkanamée mfxi'ze. ¹⁴Idxna Dxus neewe'weçxa nvxiitni's wala ew mpa'yajx peçxkanamée, aça' Dxus Espiritu kwe'sx ûuste ússa' pu'çxhina.

¹⁵Idxa' jiiyã'jne'ga, Asia kiwesuwe'sx jxukaysa adxa's thegmée nvxihttxi, vxite' Fxigelo Hermógenes txãawe'sxwa txuteetx.

¹⁶Txã'wêwewa Onesífxoro yu' maz uswa adxa's kvxiisxa'kh adx preesu ûstewa thaamemée. Txãa pa'ga Kristo' Onesífxorowe'sxtxi' nwe'wena.

¹⁷Txãasafík txã' Romate úsçxa', adxa's uypkaçx pakwena pa'j. ¹⁸Txã'wê ew yûupa'ga Kristo tasxna ul'jwa'j en âhte', Dxusa' deweena. Idxa' ew jiiig txã' kwe'sxtxi wala pu'çxsa' Efexsote.

Idxa' soldau ew nwêese'jsa na'wê myuu

2 ¹Adx nçxi'k na'wêsa idxa' Kristo Jesus pu'çxni's jxpa'gaçxa Dxus yakh çxhãçxha mfxi'ze. ²Nasa maazkuêesa ksxavxyte adx ma'wêne'tka pta'sx txãa pta'sxni'sfíçxáa mkaapiya'j Dxus yakh ew fxi'zesatx, kxah txãawe'sxwa vxitetx txã'wêyçxáa kaapiya'jatxna.

³Idxa' Jesukristoçxá's nwêese'jsa yã'jçxa', nxuswa'j en thêysa pa'thewa txãatxi' ûukhmée çxhãçxha myajxk. ⁴Soldauwa ma'wêga vxitesu yu' nwêese'jmée soldau npiicthê'j jxkaahniçxá's nwêese'je' txã'wêy myûu.

⁵Txã'wêy knayya' pweesa'sawa ma'wê jxkaathe' kxtey nwêese'jna pa'pçxumeeçxa yu', kíh yuhwa knaymeena. ⁶Mjiisawa nyafxte' mjiiwa'ja's khuê'y çxhãçxha mjiiwa'j ji'pha' uuthasx thê'the' û'wa'j uyya'. ⁷Adx we'wenitxi's jiyuya' úus myajxk, aça' Jesukristo' kaajiyu'juna jxuka.

⁸Açxha' Jesukristo' jxkaahsa Davxid ji'j uuçxawa ki' îtxi yuuk txã'sna myajxk. Adxa' txã'snath pta'sxi' ewte nvxiitwa'jsa' jîna. ⁹Txã'wê Kristo yuwe ewsa's pta'sxpa'ga yuuçxáa preesu ûsthu yuuwesa na'wê tudni pxthaa yuuna. Nawa Dxus yuwe yu's tud-ya' âjameetxna. ¹⁰Txã'wê Dxus yuwe's yup-ya' âjawa'jme' açíçxáath adx nxuswa'ja's ûukhmée Dxus yuwe's pta'sxi' Dxus txhitxnisa nwe'wewa'j ûstxna txãawe'sxtxi peeygãhçxa, kxah Kristo Jesus yakh utxaapa'ga txãawe'sxwa ji'phutxna pçuwa'jmée weçxana ewte úswa'ja's.

- 11 Na'wē yūuwa'ja's pta'sxnisa' ĩsxiinisame':
 Kristo's ũuste jxpa'gaçxa uuçxa', txāa na'wēy ĩtxi fxi'ze'nja'w.
 12 Makwe nxuste fxi'zewa'ja's ji'phuçxawa, cielute txāa yakh
 jxkaahwa'j yu'sa' ivxiitume'nja'w.
 Txā'wē yūumée wa'luwá'nja'w aça' txāawa kwe'sxtxi' jxpa'gameena.
 13 Meeçxa' kwe'sxa' txāa yakh kxtey yuumeewá'nja'w, nawa txā' txajx
 puutx we'weni's kxtey yuuna nes yuuna.
 Txāa pa'gatey Dxusa' txajx puutx we'weni's ĩsxiiwa'jsame'.

Kĩhte yuhwa sxiigmée fxi'zewa'jçxá's pa'pçxuni

14 Yakhthē'jwe'sxtxi yu'kxpehni's mkaayaki'j Dxus dxi'pte, kxah selpiwa'jmeesu we'weniçxá's ũusçxa pasna fxi'zemeetxna. Txā'wēsa' selpi'çme', naasáa wēse'jsatx kaypuba'jsaçxá'. 15 Dxus dxi'pte kĩhte yuhwa sxiigmée wala ew fxi'zewa'jçxá's mpa'pçxu, Dxus yuwe's jxpubamée pta'sxna, mjiisawa ma'wēga ew mjiiçxa' thaame'çmée txā'wēy myūu.
 16 Selpiwa'jmeesuçxáa we'wena kaapiya'jnix mpa'yajkx. Txā'wēme' txā'wē kaapiya'jsa' jwee'fiçxáatx een isa jxpubana ewmeete wetena u'jwe'.
 17 Naapkaçxha' txāawe'sx kaapiya'jni yu' jwee'fiçxáa mteewa jxuka suwna u'jwena. Himeneo vxite' Fxiletowe'sxa' txā'wē yūusatx yu'. 18 Txāasatx isa pta'sxnijū yu' jxpubaçxa uusaawe'sx ĩtxi yu'wa'j ena' skhēwyá'kh jīna kaypuba'jna ũsta' Dxus yakh fxi'zesatx maafĩtxi's. 19 Nawa maaçxah txāa jīitewa ew jiyukahn Dxusfi na'jīna we'weçxak nvxiht: Dxusa' jīia' maaçxah txāa jīitewa jī'k. Sa': Jxukaysa Dxus yakh fxi'zesa' ewmeejū jxuka txutewa'jsata' jī'k.

20 Miiyajkx: Teeçx yatte' iijxūnisa vxyuu beh vxyuu çxihme txā'wē ewsaçxáa ũsmeeta'. Kxteea' açxamée selpisáa fxtūu, kiwe mitxhwa ũsta'. Nawa iijxūni ewsa' ewsaçxá's selpiwa'jsa', aça' açxamée ewsa' ewmeesuçxáa selpiwa'jsata'. 21 Txā'wē Dxus kusete ew selpi wēeçxa', ewmeejū jxuka txuteeçxa bagaçxte yuhwa pkalte wetemée Dxus yakh yuuçxáa fxi'zewa'ja'. Txā'wē yuuçxáa selpiya' ya'ájana kīhtewa ew yūuwa'ja's.

22 Idxa' piçtakxwe'sx ewmée yajkxna fxi'zenijū txuteeçxa kĩhte yuhwa jxpubamée ewçxáa mfxi'ze, Dxusçxáana yajkxna, maa yakhwa ewçxáa fxi'zena peeygāhna Dxusa's ũusuh jxuka neewe'wesawe'sx yakh utxaaçxa. 23 Yuwe kīhtewa selpiwa'jmeesatxi' nweese'jnu, yuwe txā'wēsaxti' jiyā'jg puiiwa'jçxáak kaseje'. 24 Txāa pa'gatey Dxusa's selpisá' puiisu fxi'zewa'jme', wejxwa jxukaysa yakh ewçxáa yūuna fxi'zewa'ja'. Sa' ew kaapiya'jsa yu'wa'ja', ewmée nuywe'wenix yajkxmée. 25 Txā'wē ũusuh jxuka peeygāhna açesatx yu'kxpehwa'ja', Dxusa' txāawe'sx ewmée yaakxnix yu'ptheçxa ewsa's kaajiyu'jwaça' sūhna. 26 Kxah eçxthē'j kusete fxi'zeni's jiyuçxa', txāajū iyuya' ājatxna. Txā'wēme' eçxthē'ja' ma'wēwa suwya' ũsa'.

Nmeh en yuuçte' na'wê yûusáa nasa kasejtxna

3 ¹Nmeh en yuuçte', en ewmeesa ûukhûukhsa pa'jana açá' txã'wê yûuwa'ja's jii mfxi'ze. ²Nasa' peekx wêt fxi'zewa'jçxá's pa'pçxuçxa', vxite yuutxi' açesa, vxuyuçxá's wejx yaakxsa, iiwejçx we'wena fxi'zesa, Dxusa's açewe'wesa, neywe'sxtxi nwêese'jmée, ew yûutewa ka'tu yu' weçxasamée, Dxusa's yuhwa nwêese'jya' yaakxsamée, ³vxitetx peeygâawa'lj yu'sa' ji'phmeesa, ewmée nuywe'wesa, peekx kakweju ewmée yûu wêeniçxá's thaakwe yaakxsa, kîhwa ewsa yu'sa' jxuka ahççexa seena' pkxuusa, ⁴âte yu' ew we'weçxawa e'sga yu' kiikhe'jna fxi'zesa, yuwe ewmée kasehwa'jsuçxáa we'wena fxi'zesa, ew úus yajkxmey kîhwa yûusáa, iiwejçx yaakxwa'jçxá's ji'phsa, Dxusna pakwepkaçxte naa kiwete wêt fxi'zeniçxá's pakwesáa, ⁵Dxusa's yaakxsa na'wê yuh yuuna fxi'zetxna, nawa isa úuste yu' Dxusa's ji'phmée yuutxna. Nasa txã'wêsatx mpa'yajkx. ⁶Txã'wême' txãawe'sxa' maafi' yu' yat-su pa'jçxa ísxijiatxna u'y ew fxi'zewa'lj yu'sa' ji'phmeesa pkalteçxáa fxi'zesatx. Txãa u'ya' kîh yûu wêeni'swa jxuka jiyu wêenite ⁷kaapiya'jni's jxpa'gaçxawa, isa ewsa yu'sa' jiyuya' aja'çmeeta', pkalteçxáa fxi'zepa'ga. ⁸Ma'wêta dxijxuusa e'zsa Janes Jabres txãawe'sxwa Moisesa's ahçe, txã'wêy txãa piçthê'jwe'sxa' isasa yu'sa' açetxna. Txãa pa'gatey txãawe'sx úus yaakxni' jxuka suwenia', Dxus yakh fxi'zewa'lj yu'sa' ji'phmeeta' naa pa'ga. ⁹Nawa txãa piçthê'jwe'sxa' jwee yu' kîhwa yûuya' ajameetxna, txãawe'sxa' kîhwa jiimeesate jiyuyá'jçxa', nasa' jxukaysa jwee yu' nwêese'jmeetxna naa pa'ga, ma'wêta e'zsa Moisesa's açesawa kîhwa yûuya' ajamée txã'wêy.

Pablo' Timoteo's nmeh neewe'weçxa nvxiitni

¹⁰Nawa idx yu' adx kaapiya'jnitx jxpubamée úsgu. Idxa' jiig adx ew fxi'zeni, Dxusçxá's selpiiya' yaakxni, Dxusa's peçxkanamée yaakxni, makwe thêysa vxyaatewa txãatxi' yajkxmée fxi'zeni, peeygâhnaçxáa fxi'zeni, ma'wêtká maa súhmée wantâyi' txakwe ahççexa pkxuuni yuuçxawa. ¹¹Idxa' peekx jiig Antiokía, Ikonio, Listra çxhabsu adxna pkxuuna açenitxi'. Nawa Dxusa' txãasu jxuka nwe'wek. ¹²Aça' maawa Kristo Jesusa's selpiiya' utxasa' pkxuuni yuutxna. ¹³Naapkaçxha' ewmeesa ísxiisa' jweeíçxáa ewmée yûuna u'ljwetxna, açá' ya'ísxiisa' jweeju vxitetxwa ísxiina u'ljwetxna.

¹⁴Nawa idx yu' iidx piyanijû weh yuhwa txutemée mfxi'ze, txãa pa'gatey wala ew jiig idxa's kim kaapiya'thewa. ¹⁵Le'çxkuëjûjx Dxus yuwe's jiyug txã' Kristo Jesus yakh fxi'zeçxa ewte pa'jwa'ja's kaajiyu'juna. ¹⁶Txãa pa'gatey Dxus libru' jxuka Dxus kaaúusuthe'jnisaçxaxáata', txãasa seelpisata' ewmée yûukahmén yu'kxpejxa', jxpubamée ewçxáa kaafxi'ze'jya'. ¹⁷Kxah Dxus yakh fxi'zesa' kîhtewa sxiigmée piyaçxa ewçxáa yûuna fxi'zetxna.

4 ¹Kwe'sxtxi jxpe'jsa Jesukristo jxkaahsa yuuçxa yuhna itxisatx vxite' Dvus dxi'pte wala ew neewe'weçthu ²Dvus yuwe's pta'sxwa'ja's. Bagaçxtewa pta'sxna nes myuu. Pta'sxwa'j en yu'sa' ivxiitunu, kaajiyu'jna, ewmée yūukahmén we'wena, yu'kxpehna. Bagaçxtewa wa'lmée mkaapiya'j. ³Txā'wēme', en ājana, aça' txājūyā'ja' nasa' jxpa'gaya' wa'lutxna Dvus yuwe ewsa's makwe pta'sxtewa. Naasāa txāawe'sx ūus pēyni's kaapiya'jwa'jsaçxāa maazkuēewa pakweetxna. ⁴Ia kaapiya'jni yu'sa' e'skhē nvxihtçxa, kihwa naa kiwete kwentu'jniçxá's nwēese'jetxna. ⁵Nawa idxa' jxpubamée fxi'zewa'ja's mpa'yajkx, nxussa pa'thewa çxhāçxha mfxi'ze. Sa' Dvus yuwe's pta'sxwa'the yuuçxāa mfxi'ze, iidx mjīia's weh yuhwa nvxiitnu. ⁶Txā'wēme', adxa' āçxha' ikhwa'jçxāa yā'j ūsthu, adx uu ena' utxa ūsa'. ⁷Nawa adxa' ewmeesa yakh puiwa'ja's adx yuh knaythu, Dvus neewe'weni adx pta'sxwa'ja's jxuka kxtey yuuth, sa' Dvusa's yaakxwa'ja's le'çxkwe yuhwa ivxiitumeeth. ⁸Txā'wē Dvus dxi'pte ew selpiina fxi'zepa'ga peeswa'j cielute jxaawni ūsa' txā' adxa's ūyhasna ūsa'. Txā'sa' kwe'sxtxi jxpe'jsa khuēs ewsa txajx kīiwa'j en āhte, adxa's ūsuna. Sa' adxçxāana ūsmeena; txajx kīiwa'j ena's weçxana ūyhasna ūssa yuutxi' jxukaysatx ūsuna.

Timoteo's Pablo yuu kaahni

⁹Ma'wētewa en kutxi'jçxa dud myuh adxa's thegya'. ¹⁰Txā'wēme', Demasa' adxa's thegmée u'kh Tesalónikan, txā' naa kiwetewe'sxçxá'sku wejx wedxi' txāasak txā'wē yūu. Krescente' Galacia kiwenku u'j, naapkaçxha' Tito' Dalmacia kiwenku u'j. ¹¹Aça' Lukas yuuçxāa adx yakh ūsa'. Markosa's pakweçxa pe'jçxa myuh, ayte adxa's mjīi pu'çxkahn. ¹²Tíkiko's Efxeso çxhabnath kaah. ¹³Idxa' yuhçxa', adx atxh Troas çxhabte Karpo yatte nvxihtthu txā'sa' jxūçxa yuweene'ga. Sa' librutx vxite' fxi'ljni eçtxi wejx peçxkanamée jxūne'ga.

¹⁴Çam tuça Alejandro' adxa's wala ewmée yūuk. Nawa txā'wē yūupa'ga txā'sa' Dvus jiina. ¹⁵Idxa' mpa'yajkx txāa piçthē'ja's. Txā'wēme', txā' wala acesa yuuk kwe'sx pta'sxni's.

¹⁶Adxa' nyafxçxah adx ma'wēsaçxawa khuēswe'sx tasxna pasya' u'the', kim yuhwa adx ju'gu yuumeeta', adxçxāanats nvxiht. Txā'wē yūutewa, txāawe'sxtxi' Dvusa' peltunāywaça' sūju'th. ¹⁷Makwe txā'wē yūutewa, Dvusa' adxa's pu'çxku nxuskahmén, kxahth Kristo yuwe ewte nvxiit-sa's pta'sxya' ājaçxa judiu jil'jmée vxite nasa maazkuēesatxwa kwēese'jya' āja. Dvusa' txā'wēk adxa's nwe'we león yuweju. ¹⁸Sa' txā'wēçxaxçxāa ewmējū jxuka nwe'weçxa jxaawuuna cielute txajx jxkaahna ūsnitewe'sx. Wala yuh weçxa yuja' txā'wē ew yūupa'ga.

Pablo yuwe weçxaa kaahni

¹⁹Āçxha' yuwe meen weçxa Priska vxite' Akila vxite' Onesifxorowe'sxtxi. ²⁰Erasto' Korintote neeyūuk, aça' Trofximo's

Miletoteth nvxiht ãça'k txãa pa'ga. ²¹Nus pa'jwa'j en ãhmeyna yujxa' mpa'pçxu. Idxa's yuwe weçxaa kaja'tx Eubulo vxite' Pudente vxite' Lino vxite' Klaudia vxite' yakhtē'jwe'sx jxukaysa.

²²Kwe'sxtxi jxpe'jsa Jesukristo' idx yakh nes yuuna, aça' Dxusa' i'kwe'sx jxukaysatx pu'çxhina.